

重刊道藏輯要

黃帝陰符經十真集解上

赤松子

子房真人張良

太極左仙翁葛玄

西山真人許遜

正陽帝君鍾離權

純陽帝君呂岩

華陽真人施肩吾

至一真人崔明公

海蟾真人劉玄英

清虛真人曹道冲

正陽帝君曰黃者中央之色帝者君主之名中以統於五行  
帝以治於萬物陰者性之宗符者命之本此陰符之旨內以  
修身外治家國包羅天地總御羣方古今得道仙真皆因此

道藏輯要

陰符經十真集解

一 斗集六

義以至於无爲矣

子房真人頌曰要知天五是中黃帝君元始法中王仙真盡  
達陰符理治國修身入聖鄉

清虛真人青霄樂曰心爲君主象中黃神用无私帝道昌陰  
是性宗鉛可貴錄名天寶命符陽經垂法教開方便普濟羣  
迷作巨航只候行成功滿足十洲仙島是家鄉

神仙抱一演道章

純陽帝君曰天一生水地二生火在人謂之精神生於道形  
本生於精守而勿失與玄爲一則精神合而不離矣以精集  
神以神御炁鍊神合道與天長久故道經曰抱一能无離乎

又曰抱一爲天下式昔廣成子誡黃帝曰无勞汝形无搖汝精少思寡欲迺可長生此卽神仙抱一旨歸也

葛仙翁頌曰混沌玄黃啟肇生扶持造化立乾坤學人要覓長生道太一含真卽是真

至一真人臨江仙云一炁靈根爲命祖專心抱守玄真杳冥之內隱元精至人先務本本立道基成蚌裏藏珠川景媚石中蘊玉山榮地天長久爲何因都緣懷道德巨劫自清寧觀天之道執天之行盡矣

正陽帝君曰大道无形視聽不可以見聞大道无名度數不可以籌算資道生形因形立名名之大者天地也卽天地上

道藏輯要

陰符經十真集解

二

斗集六

下之位而知大道之高卑卽陰陽終始之期而知大道之前後冬至則地中陽升五日一候三候一炁經六炁而至春分是時陽升入陽位又六炁而之夏至迺陽升到天太極而生陰陰以杳冥抱陽而下降夏至則天中陰降經六炁而至秋分是時陰降入陰位又六炁而之冬至迺陰降到地太極而生陽陽以恍惚負陰而上升升降不失其道是以天地長久惟人也集靈以生資道而立體天法道調運陰陽以心腎方合天地上下之位用炁液比陰陽升降之儀將一日效一年使一時象一月養命按法下功依時陰陽交合不失其道亦當與天地齊其堅固而同得長久矣執者持也觀天持法依

令而行萬事皆畢故曰觀天之道執天之行盡矣

赤松子頌曰天道无言運四時雲行雨施物咸資洞觀玄象  
依天合體此修真合聖機

海蟾真人亭前柳云天道乾元覆磨无偏列宿瑩高懸冬至  
陽生地夏中液降於天烏兔精華往復迺行運虛璇體道觀  
天名照了四時八節要精研作用日爲年進火中宵子有時  
添汞抽鉛鍊就金丹大藥方號神仙

天有五賊見之者昌

赤松子曰五賊者五行也在天爲五星在人爲五臟於眼爲  
五色於耳爲五聲以至鼻之五香舌之五味身之五觸心之

道藏輯要

陰符經十真集解

三

斗集六

五壽皆曰五賊賊者害也此五行之炁各懷生殺順則吉逆  
則凶天時順則四序調和安寧豐泰逆則兵飢水旱蝗疫爲  
灾人有五賊只在於心心正則柔和慈善真清行之則吉心  
亂則剛戾狼疾姪濁行之則凶見者覺也覺了明悟則身心  
康寧故曰天有五賊見之者昌

海蟾真人頌曰五賊縱橫遍萬方木金水火及中央翦除戎  
馬妖氛息見之天下永寧昌

至一真人蘇幕遮云五賊機无形影苦惱蒼生遞代相吞併  
一藏虧時一藏勝億壞形軀只爲陰多盛脾旺時當補腎貪  
欲无明欺妬都除泯照見皆空亡五蘊性命延昌堅久如天

永

五賊在心施行於天

子房真人曰五賊謂賊命賊物賊功賊時賊神是也此五賊在心杳无形迹覺而悟之名為照了自然神定炁和无諸滯礙施行法象與天同然

宇宙在乎手萬化生乎身

海蟾真人曰先觀天道次明五賊作用施行契合天命雖宇宙之大不離掌握萬化雖眾亦生乎身

純陽帝君頌曰心鏡澄清瑩且明施行功業契天星剛柔宇宙存乎掌萬化生成只在身

道藏輯要

陰符經十真集解

四

斗集六

華陽真人卜算子云心鏡澄澄瑩五賊皆除泯天道行時即使行保命也如天永宇宙乾坤柄掌握文明定萬化生成只在身抱一功神聖

天性人也人心機也立天之道以定人也

至一真人曰天性人心本乎一也天道虛无湛然人心本源同此經以天性喻於人心指使人心合於天機也立天之道者陰陽也立人之道者仁義也仁義忠信樂善不倦是謂天爵先修天爵以積其行次體天道以累其功功之至妙无若抱一也

子房真人曰經言天性人也人心機也而不曰人心天也者

蓋明萬物皆出於機皆入於機也

西山真人頌曰皇天本性化生人天性人心一體靈善行果  
圓功滿足南宮標列是仙名

葛仙翁西江月云大道无形无相生天生地生人人心天性  
體同靈恬淡无爲真本上士體天行道道成豈懼朝昏善功  
圓滿吉祥臻七祖超騰妙境

天發殺機移星易宿地發殺機龍蛇起陸人發殺機天地反覆  
子房真人曰天道生殺者皆合其機非妄動也殺謂以陽隨  
陰機謂適時而變如春分之時四陽發生二陰衰弱卽天道  
宣行號令雷乃發聲聲震徹重泉驚甦萬物使一切龍蛇蟄  
藏之類皆起於陸此則天發殺機也愚人不知天道恣發狂  
機貪利干名傾人害物則天道報應灾殃禍亂及於身是謂  
天地反覆也

道藏輯要

陰符經十真集解

五

斗集六

海蟾真人曰自天性人也至以定人也道之常也自天發殺  
機至天地反覆道之變也常者所以守剛柔而立變者所以  
運陰陽而適時也

華陽真人頌曰雷聲虩虩動天威驚蟄龍蛇萬物齊此是立  
機真造化能明此道合希夷

西山真人頌曰人發狂機禍立生傾危都爲虐生靈悲思喪  
國亡家者金谷章華尙未醒

純陽帝君臨江仙云晷運推移從復卦四陽令屆春分天威  
鼓物以雷霆龍蛇皆起陸藏蟄盡甦驚下士豈知天道意狂  
謀利祿營營坑人損物害生靈餘殃不可追顛覆自危傾  
天人合發萬變定基

西山真人曰天得一以清人得一以生天人用機造化无異  
故曰天人合發既合道機與天相契則萬種塵緣皆息於心  
故曰萬變定基也

性有巧拙可以伏藏

清虛真人曰大巧莫巧於造化而莫知所爲豈不似拙經曰  
性有巧拙可以伏藏老子曰大巧若拙與此義同

道藏輯要

陰符經十真集解

六

斗集六

華陽真人曰惟聖人發機合於天道自然萬變息於心基是  
以窮理盡性與道合真故曰方而不割廉而不剝直而不肆  
光而不耀无譽无訾无是无非一龍一蛇與時俱化一上一  
下以和爲量行於萬物之上遊於道德之鄉故可得而累耶  
蓋歸根復命之源也故性有巧拙可以伏藏也

正陽真人頌曰天人合發定心基復命歸根盡性時隱迹韜  
光修道德伏藏元火守柔雌

純陽帝君望江南云天道密造化四時行或躍在淵當卯月  
括囊无咎應秋分應象甚分明人體此合發契天星日用卦  
爻明刻漏萬緣不染息心神功滿赴蓬瀛

九竅之邪在乎三要可以動靜

葛仙翁曰三要者眼耳口也動靜不失其時其道光明故曰非禮勿視非禮勿聽非禮勿言也五千言云五色令人目盲五聲令人耳聾五味令人口爽夫視聽言人之先也故在九竅之中惟三要焉此三者可以養人可以害人養人者原於靜害人者域於動故也蓋動者人之爲靜者天之質人爲之謂僞天質之謂真

子房真人頌曰九竅邪風觸正神三關牢閉得全真澄心遣慾求玄理得悟慙勲莫住程

葛仙翁漁家傲云妙理玄玄復與聖人制法垂言教體道

道藏輯要

陰符經十真集解

七

斗集六

觀天爲照了明三要聞邪勿遣相侵惱塞兌關局修內寶色聲五味都忘了視聽言皆合聖道除機巧隨時動止方知好火生於木禍發必尅姦生於國時動必潰知之修鍊謂之聖人華陽真人曰上文說九邪三要動靜之宜切令戒恐未能窮理盡性故再舉火木姦國之喻令慙勲修鍊也夫性之有情如木中有火出於性而賊性火生於木而害木惟聖人者達性命之源明天人之道外能鍊形內能修性鍊形所以齋精修性所以養神故道之真足以治身緒餘足以治國家土苴足以治天下是以修之身其德乃真修之家其德乃裕修之天下其德乃長修之國其德乃普自中以及外自近以及遠

修是玄風无所不至矣故曰知之修鍊謂之聖人者也  
清虛真人頌曰木爲真性火爲情慾火炎時礙性真惟有聖  
人修鍊得國无顛險木无焚

西山真人頌曰軒黃成道日說破度迷津國木如真性姦火  
喻邪情情亡姦火滅性慧欲情堯君心修鍊正身安國泰寧  
葛仙翁滿庭芳云心動神疲情澄性適妙門開啟玄關火生  
於木災發慎礩研水蓄冰而礙水田存棘也妨田立元教閑  
邪正幻安樂自逍然觀天明五蘊知之修鍊去世何難遣羣  
魔消盡復本還源補兌成乾事畢妙因果周圓尋真悟三千  
行滿丹就去超凡

道藏輯要

陰符經十真集解

八

斗集六